



UNIVERSITÄTS-
BIBLIOTHEK
PADERBORN

Universitätsbibliothek Paderborn

R. P. Lvdovici De Ponte, Societatis Iesv, Meditationvm De Praecipvis Fidei Nostrae Mysteriis

Vitae Ac Passionis D. N. Iesv Christi; B.V. Mariae, & aliquorum Sanctorum

Qvae Complectitvr Mysteria Diuinitatis, Trinitatis, & perfectionum Dei: ac
de beneficiis eius in homines, naturalibus & supernaturalibus

Puente, Luis de la

Coloniae, Anno M.DC.XII.

Med. 16. De infinita Dei omnipotentia.

[urn:nbn:de:hbz:466:1-38214](https://nbn-resolving.org/urn:nbn:de:hbz:466:1-38214)

MEDITATIO XVI.

DE OMNIPOTENTIA Dei.

PUNCTVM I.



ONSIDERANDVM est primò, quod Deus Dominus noster Trinus & Vnus, est infinite potens, ad faciendum quidquid voluerit, sine termino aut limite aliquo; quo ad numerum, magnitudi-

S. Thom. 1. p. q. 25.

nem, & perfectionem: quam obrem appellatur **OMNIPOTENS**; cuius Omnipotentia in eo consistit, vt facere possit res omnes, quas infinita sua sapientia videt esse possibiles, in quibus non sit repugnantia aut aliqua cõtractio, si fiant. Et in hoc sensu dixit Angelus Beatissimæ Virgini: *b non esse impossibile apud Deum omne verbum*; omnis scilicet & quæcunque res, quam homo, & Angelus, & ipsemet Deus intellectu suo concipere possit: si quòd talis res sit, nullam implicet contradictionem. Et ipsemet Deus dixit per Ieremiam: *c nunquid mihi difficile erit omne verbum?* quasi diceret, nihil mihi erit difficile, sed omnia possibilia sunt, & facilia ad faciendum.

a Exod. 15. 3

b Luc. 1. 37.

c Iere. 32. 27

c Matt. 19. 26.

c Marc. 10. 27.

TRES circa hoc perpendi possunt excellentiæ.

MEDI

I.

PRIMA est, quod Deus Dominus noster possit de nouo facere infinities plures res, quam fecerit, nam quidquid factum est, quasi nihil est, si cum eo conferatur, quod facere potest; & postquam totum, quod factum est, videro, licebit cum Ecclesiastico ei dicere: *d multa abscondita sunt maiora his, pauca enim vidimus operum eius.* O DEVS Omnipotens, gaudeo de hac tua grandi Omnipotentia, qua potes infinities plura facere, quam vel cogitatione ego possim assequi: & si ad eò es mirabilis in operibus, quæ fecisti, quantum eris mirabilior in ijs, quæ facere potes? *Glorifica, anima mea, e Deum tuum quantumcunque potueris, qui propter suam Omnipotentiam, superualebit adhuc; & benedic eum, & exalta illum quantum potes: quia propter suam Omnipotentiam, maior est omni laude.*

d Eccl. 42.
36.

e Eccl. 43.
32.

II.

SECUNDA excellentia est, quod possit S. Thom. 1. Deus facere quidquid voluerit in rebus, quas p. q. 105. a. 6 iam fecit; mutans illas & transmutans, & iudicio suo eas inuertens. nam vt idem sapiens Eccl. 43. 30 ait: *si ipse est Omnipotens super omnia opera sua; quia potest facere plura, quam fecerit & in ijs, quæ iam fecit, facere potest quod voluerit. Potest enim efficere vt Sol subfingat, vt tempore Iosue; & vt retrocedat, vt tempore Ezechia; & ne det lumen suum, vt tempore Passionis Christi; potest facere quod voluerit in mari, ventis, in terra, & in omnibus viuentibus; sicut fecit in lege veteri per*

Mortem

Moysem, & in lege noua fecit Christus Dominus noster, dum viueret in hac vita mortali, & quotidie noua edit miracula: potestque maiora facere, quam fecerit; & hæc perpendens, dicere possum, quod addit Eccles. gter. *mirabilis est Dominus & magnus vehementer, & mirabilis potentia ipsius*, ac propterea dignissimus est, cui fides adhibeatur, & vt omnes credamus, quidquid fides de stupendis eius operibus & miraculis nobis reuelat.

g Eccl. 42.
31.

III.

TERTIA excellentia est, quod possit Omnipotentia Dei exequi, quidquid eius voluntas possit velle; nam si Deus aliquid efficaciter vellet, quod efficere non possit, esset miserabilis, & non Deus, Ex præteritis licet colligere futura & possibilia: nam, vt *h omnia quæcumq; voluit Deus fecit*, ita faciet quæcumque voluerit; & facere poterit, quæcumque potest velle, iuxta illud Sapientis; *i subest enim tibi, cum volueris, posse*: quasi dicat, habes potestatem faciendi quæcumque volueris, & statim atque volueris aliquid, non tibi deest potentia, ad illud faciendum. Ex quo prouenit, vt quando mihi constiterit de voluntate DEI, non mihi liceat, de eius Omnipotentia dubitare; & quando non constiterit, quid velis, dicam illi, quod leprosus dixit Christo Redemptori nostro: *k Domine, si vis, potes*. O *k Mat. 8. 2.*

h Psal. 113.
21.

i Sap. 12. 18.

Tua

Tua voluntas est iusta, & nosti quid mihi magis expediat; si vis potes, si vis me sanare à meis infirmitatibus, facillimè id mihi præstare potes; si vis mihi dare quod peto, è vestigio dare potes: gaudeo, quòd tua Omnipotentia, constituta sit in manibus iustæ & benevolæ voluntatis tuæ: nam quod ex tali voluntate & potentia processerit, bonum erit & vile mihi, tibi verò gloriosum, cui sit honor & gloria in æternum. Amen.

PUNCTVM II.

DEINDE considerandum, quòd hæc Omnipotentia solius Dei sit propria; quæuis liberaliter faciat suas creaturas eius participes. In quo tres aliæ excellentiæ sunt perpendendæ.

I.

PRIMA est, quòd solus Deus natura sua & essentia habeat potètiã, nulla verò creatura, nisi participatam à Deo: & propterea Apostolus de eo dicit, quòd sit *solus potens*: nam ceteri ex nobis ipsis sumus non potentes; quia

a 1. Tim. 6.

15.

b 2. Cor. 3. 5

non sumus sufficientes, vel cogitare aliquid nobis, quasi ex nobis; sed sufficientia nostra ex Deo est: quidquid. n. possumus, ab eo habemus.

II.

SECUNDA excellentia est, quòd solus Deus per suam Omnipotentiam facere possit opera sua, abiq; alterius auxilio; ceteræ autem creaturæ omnes, nihil facere possunt, nisi Dei Omnipotentia cum illis operetur. neque Sol illuminabit, neque ignis calefaciet, nec homo se mouebit, aut aliud quid faciet, nisi De-

Omn-

Omnipotentia illos iuuet, & cum illis opere-
tur. ideo enim dixit Isai. quod c *Deus omnia o-*
pera nostra operatus sit in nobis; & ipse Christus
Dñs dixit: *d sine me nihil potestis facere.* Ex
vtraque hæc consideratioe, intelligam, quan-
tam dependentiam habeam à Dei omnipotē-
tia: vt sic in profunda humilitate proficiam,
sciens me, sine ea nihil facere posse; & in finj-
tas gratias agam, propterea quod in omnibus
meis actionibus tam fideliter adfistat, vt fu-
tū inferius perpendemus.

c Isa. 26. 12.

d Ioan. 15. 5.

Medit. 23.

III.

TERTIA excellentia est, quod non sibi om-
nino retineat Deus suam Omnipotentiam, sed
faciat suas creaturas eius participes, ita vt v-
naquæque facere possit quæcunque suæ na-
turæ propriæ conueniunt; addit verò præ-
terea hominibus & Angelis excellentiorem
aliam & altiorem potentiam, quam habeant
per suam naturā, quia illos adhibet, vt instru-
menta, & coadiutores, ad res multas ipsius O-
mnipotentia proprias: quamobrem Apосто-
lus eousq; progressus est vt diceret: *omnia pos-*
sum in eo qui me confortat. Simul itaque con-
iunctus cum Dei Omnipotentia, sum potens
ad res omnes, quas voluerit Deus in me & per
me facere, & honori sibi ducit Deus, si hoc de
ipso credamus & speremus; cui fidei & confi-
dentia tribuit ipse huius rei experiētiā. ita
enim Christus Dominus dixit cuidā: *si credis,*
omnia possibilia sunt credenti; & vt ait S. Ber-
nardus: nihil adeò Dei Omnipotentiam illu-
strat ac extollit, atque quod faciat Omnipo-
poten-

c Phil. 4. 13.

f Mat. 9. 23
Serm. 85. in
Cant.

potentes prædicto modo eos, qui in eum confidunt. O Deus Omnipotens, gratias tibi quãtas possum ago, propter eam partem supremæ tuæ Omnipotentia, quam seruis tuis communicas. in ea Domine confido: siquidem tu ita vis; & per eam faciam quidquid mihi faciendum iubes. Elige, anima mea in amicum eum, qui est Omnipotens, cū quo & tu eris Omnipotens; siquidem iuxta legem amicitia, quod per amicos possumus per nos possumus.

PUNCTVM III.

Fontes Diuinarum beneficiorum.

a *Isai. 40. 12*

TERTIO considerandum, quasi pro hæcenus dictorum Epilogo, quod Dei Omnipotentia semper se occupet in beneficiando nobis; sitque principium & fons, unde proueniunt nobis omnia diuina beneficia quibus gaudemus; simul cum ipsa sapientia bonitate & charitate Dei: hæc enim tria Deo attributa, sunt illi a tres digiti, quibus Deus appendit molem terræ, ut dixit Isaias Propheta, quibus etiam digitis appendit celos, & Angelos, homines, & ceteras vniuersi creaturas. Illis enim eas creauit, sustentat, gubernat, adiuuat, & ad vltimum suum finem perducit. Sapientia enim cognoscit ac disponit quidquid est facturus; bonitate & charitate vult facere, quod cognoscit; Omnipotentia denique illud exequitur; & cum omnibus tribus occupatur in conferendis nobis magnis bonis. Pater ipse Omnipotentia, quæ illi quasi propria attribuitur, Filius sapientia, & Spiritus S. bonitate & om

& omnes tres personæ cum his tribus perfectionibus; quia vnaquæque habet illas omnes tanquam vnã; in Deo enim omnes illæ sunt vnũ & idem.

Hoc spiritu subsequentes Meditationes aggrediar, quæ sunt de diuinis beneficijs, quæ inceperunt ab ipsa mundi creatione: dandaque est opera, vt tota vitæ meæ structura & mearũ considerationum, innitar præcipuè tribus his digitis SAPIENTIAE, OMNIPOTENTIAE, & BONITATIS DEI, quibus respondeant actus & affectiones trium Theologicarum virtutum, fidei, spei, & charitatis. Fides enim respondet sapientiæ; spes, Omnipotentia; charitas bonitati Dei; quamuis omnes tres virtutes & earum actiones, respiciant tria attributa simul. O Deus Trine & Vne, æquè sapiens, æquè potens, & æquè potens ac bonus, & in omnibus infinitus, illustra meum intellectum, diuina tua sapientia: alluce voluntatem suprema tua bonitate, conforta omnes facultates meas admiranda tua potentia; vt agnoscens innumera & suprema beneficia, quæ à te proauerunt, te propter illa feruenter diligam, tibi que seruiam, & fortiter obediã in sæcula.

Amen.

MEDI-